



23. april 2024

UPA2024/114
Jens NapätôK', Naleraq

Inatsisartut inatsisaat nr. 19, 30. oktober 1992-meersumi, Inatsisartullu inatsisaanni nr. 23, 18. november 2019-mi allangortinneqarsimasoq, siunertaavorlu sukkulaanut, allanullu sukkulaartalinnut (kakaaviunngitsoq), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuvaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Siullermeenera

Inatsisartunut ilaasortaq Aqqalu C. Jerimiassen Atassut sinnerlugu siunnersuutigisannut qujaffigaatigit siunnersuutigisallu imatut oqaaseqarfigissvarput.

Sukkulaatinut, allanullu sukkulaartalinnut (kakaavit minillugit), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuvaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut saqqummiunneqartoq qiviaraanni taakku ulluinnarni pisiarineqartartut akitsornikooqaat.

Taamaammatt maannakkut nioqqutissat tassalu pisiassat akitsoraluttuinnarneri pillugit immikkut suliniuteqartariaqarluinnartugut Atassut oqaaseqaateqarluni siunnersuut uani qaqilerpaa.

Tulleriaariniarnermi ilumut torrallaalernerluta nalilersorluinnartariaqartut ilagaat ilumut taamatut inississanersugut siunnersuutaasumimmi Atassut pingaartinnerarpaa siunnersuuteqarnermini siunnersuutigisaminnik aningaasalersuisimanissamik. Taamatut oqariarlutik konto pingarneq 24.11.10 aningaasat tagginneqarsimasut 24 mio. kr. inik appartinneqarnissaat siunnersuutigerusullugu oqariartuuteqarput, Naalakkersuisullu tamanna UKA2024 naammassissagaat siunnersuuteqarlutik. Naalakkersuisoqarfiillu aningaasalersorneqarneraniit 10%-imik ilanngaanikkut pilersinneqassasoq konto pingarnerit innersuullugit sipaaruteqaqqusipput.



Taakkulu konto pingaernerit saqqummiussat aallaavigalugit 10%-imik aallerfigineratigut 24 mio. kr-inik annertussusillit nassaarineqarsinnaasut siunnersuuteqartup aningaasalersuinissaq siunnersuutigaa. Taakkulu innuttaasut kaasarfiinut utertinneqarsinnaasut Atassut isumaqarpoq.

Atassutip siunnersuutaa inuiaqatigiinnut 50 mio. kr-inik annasaqarfiussaaq taannalu aaqqinniarnearpoq kaasarfiit aappaniit aappaanut nuussinerinnakkut. Aningaasat taama amerlatigisut pisisartunut oqinnerusumik aaqqissuussinikkut aaqqissuuneqarsinnaaneri nalilersuagassaasoq Naleqqamiit isumaqarfigaarput.

Ilami taakku 50 mio kr.nit annaasassat ila immaqa allatut tulleriaarilluarnernikkut atorluarsinnaaruttoripput, soorlu ilinniarnersiutit qaffannerisigut imaluunniit utoqqalinersiutit qaffannerisigut taamatullu aamma perorsaasut sulisartullu aamma atukkamikkut suaartaateqarput pitsanngorsaataasinnaasunik, allarpassuarnilu tulleriaarinermik pitsaasumik qaqiligassat amerlaqaat.

Uanilu Naleqqamiit maluginiakkatta ilagaat inuiaqatigiinni nunatta karsianut annaasassat matussuserneqarnissaanik aningaasartaqarnissaanik pingaartitsilluni oqaasertaleeriarluni siunnersuuteqartoq Atassut sinnerlugu ajoraluartumik affaaluunniit tikinnagit matussuserneqarnissaanik siunnersuuteqarmat tassalu 24 mio. kr.-inik affallu sinnerlugit 26 mio. kr.-it suli nassaarineqarsimagatik annaasassanik 50 mio. kr-iunsunit 26 mio. kr-nit matussuserneqanngillat siunnersuuteqartumiit aaligooq pingaartikkaat aningaasartalersorlugit siunnersuuteqassallutik saqqummiussutiminni oqarnerattuut.

Mamakujunnt akitsuutini atuutereersuni nioqqutissat ataatsimoortut akitsuusiinermi atuneq peqqissutsimi ilisimaneqartunik ajortunik kinguneqartillugu peqqissuseq aamma mianerineqartoq Naalakkersuisut akissuteqarnermini saqqumiuppaat.

Tamatumanngalu tunngatillugu Naalakkerssuisut isummernaveersaarlutik allannguutissamik siunnersuummik saqqummiussaqqarput siunnersuut isumaqatigiinniutaareersimasoq Naalakkersuisooqatigiit aaliangernaveersaarnerminnik isummernaveersaarnerminnik saqqummiussillutillusoq allannguutissatut siunnersuutigaat akileraartarnermik akitsuusiisarnermillu aaqqissuusseqqinneq taaniarsarisartik neqitsiussarstik qulequtalernikuusartik “Nunarput najoruminarnerulersitsigu” pillugu isumaqatigiissummi aaqqissuusseqqinnerup illernit sisamaata ilaattut taallugu isummernaveersaarnerat Naalakkerssuisuni maluginiarparput ilami akileraartarnikkut



aaqqissuusseqqinnissaq ajuusaarnaraluartumik qimanneqarluni taamaallaat annertunerusumik inummut ilanngaat uani aaqqissuusseqqinnermi ikkarluffigineqannarluni allat tamarmik allaffissornikkut annikillisaataasussaagaluit qimallugit isumaqatigiinniarnigaluaq ajoraluartumik peqataatitsiniarnermik inissisimaffiujunnaarluni nammineq isumat kisimik aallaavigileramik siumut oqartaarnerattuut akissaqarnerusunngooq pissarsisariaqannginnamik pissakinnerusunut iluaqutaanerpaaq kisimi aallaviunerusumik inissinnera taakkartorlugu akileraartarnikkut aaqqissuusseqqinniarneq qimallugu maanna inummut ilanngaat qaffannissaanut ajuusaarnaraluartumik Naalakkersuisooqatigiit ikkarluinnarnerat assorujussuaq Naleqqamiit uggoreqaarput allaffissornikillisaataasumik inuiaqatigiinnut akileraartarnikkut aaqqissuusseqqinnissaq tamakkiinerusumi aaqqiinissaraluaq pinnagu maanna uani akitsuutsinik piianissamik siunnersuuteqartoq akinagu isummerfiginagu allannguutissatut Naalakkersuisooqatigiit saqqummiiginnarmata assorujussuaq Naleqqamiit uggoreqaarput.

Taamatut oqaaseqarluta Siunnersuuteqartumiit siunnersuut inuiaqatigiinnut 50 mio.kr-imik naleqartussaasoq aammalu annertunerusumik Naalakkersuisuniit isummerfigineqanngitsoq pillugu siunnersuutip Naalakkersuisooqatigiit isummerfiginagu kivitiinnarlugu allannguutissanik aaliangerumaarnissamut innersuussinerat assorujussuaq tupisuutigalutigu taaamatut oqaaseqarfigaarput.